

串

雅

串雅內編卷四

錢塘趙學敏恕軒纂

單方

內治門

舍粟丸

治久嗽暴嗽

葉子雄黃

一兩

研以紙筋泥固濟小盒子一個令乾

盛藥水調赤石脂封口更以泥封待乾架在地上炭火十觔簇煨候火消三分之一去火待冷取出當如鏡面光明紅色鉢內細研蒸餅丸米大每服

內治

一

三丸五丸甘草水服之服後睡良久

仙傳膏

治血症

剪草斤洗淨晒乾為末入生蜜二斤和為膏以器盛之不得犯鐵器一日一蒸一晒共蒸晒九次乃止病人五更起面東坐不得語言以匙抄藥四匙食之良久以稀粟米飯壑之藥只冷服米飲亦勿火熱或吐或否不妨久病損肺咯血凡一服愈尋常嗽血妄行每服一匙可也此藥絕妙

青藤膏

治一切風疾

本草逢源名清風藤

青藤

出太平荻港者上  
二三月間采之

不拘多少入釜內微火熬

七日七夜成膏及入甕器內用時先脩梳三五把  
量人虛實以酒服一茶匙畢將患人身上拍一掌  
其後遍身發痒不可當急以梳之要痒止即飲  
冷水一口便解風病皆愈須避風數日

雞子飲 治狂走傷寒

出過小雞的蛋殼泡湯服即睡

白虎歷節風 感風濕而成遍身掣肘疼痛足不能  
履地二三年百藥不效身體羸瘦

木通二兩切細取長流水煎汁服之後一時許週身發  
痒或發紅點勿思上下出汗即愈

骨蒸勞病

石膏十兩研和乳粉水和服方寸許日再以身涼  
為度

乾血勞過三年者不治

白鴿一隻去腸淨

入血竭一年者一兩二年者二兩三

年者三兩以針線縫住用無灰酒煮數沸令病人  
喫之瘀血即行如心中恍惚亂者食白煮肉一塊即

止

治大風 七惡疾勢不可救者用此藥救之

皂角尖

三斤洗淨

為麤末蒸一二次晒乾末研濃煎食

遠加大黃錢調白湯服鬚髮更生

瘡疾 不拘遠近

鯽魚草帶根七個好酒煎滾露一宵次早晨復熱  
滾向東下兩服即愈

又方

薏仁一兩煎好酒半壺露一宿浸晨熱滾水去米

串雅內編 卷四

仁飲下神效

卒心急痛 牙關緊閉欲絕

老葱白五莖去皮鬚搗膏以匙送入咽中灌以麻  
油四兩但得下嚥即甦少頃蟲精皆化為黃水面而  
下永不再發累得救人

心疼

香樟樹皮取去面上黃肉第二層皮槔碎煎湯服  
下即止永不再發

腰腿疼痛

掃帚子<sup>帚</sup>三錢炒為末黃酒送下即止

筋骨疼痛 如夾板狀不可忍者

驢子修下蹄爪甲燒灰存性研末或黃酒或湯調服立愈

水腫

田螺不拘多少水漂加香油一盞于水內其涎自然吐出取涎晒乾研為細末每環不過三分酒調下水自小便下氣自大便出腫即消再服蒸胃脾藥全愈



哮喘

鴿糞將瓦燒紅放鴿糞在上自然成灰研細末好酒送下立止

又方

殭蚕七條焙黃為末或米湯或茶酒送下即愈  
痰飲吐水

赤石脂一斤搗碎服方寸匕酒飲自任稍加至三日服

盡一斤終身不吐痰水又不下痢補五臟令人肥健有人痰飲服諸藥不效用此遂愈

酒積 年久者飲腸即痛即止

挑奴不拘多少為末酒服三錢效驗如神

酒積酒毒

天南星斤一土坑燒赤沃酒一斗入坑放星盆覆泥固濟一夜取出酒和水洗淨切片焙乾為細末入硃砂末一兩薑汁麪糊丸如梧子大每服五十九

姜湯下

積塊黃腫

年久砂鍋研末水飛過作丸每酒服五錢

風眼赤爛

明淨皮硝一盞水三盞煎化露一夜濾淨澄清朝夕

洗目三日其紅即消半世者亦愈

洗眼中星 久不能去止可去暫時者

白蒺藜三錢水煎洗之三日即無星

眼紅

葶藶汁塗上即好

痘入目中

猪血尾點之即不生翳

又方

鱧魚血點之即移開

睡起目赤 睡起良久如常者血熱也卧則歸于肝

故熱則目赤腫良久血散如常也 生地黃汁浸

粳米半升晒乾三浸三晒每以米煮粥食一盞數

日即愈

目生翳膜

細料白瓷鐘一个大火煨過研末紙篩加雄黃二分  
為末早晚各點少許不可多用牛角簪撥出翳

膜為妙若紅用人退末點四角即愈

喉風

木鼈用椀片刮去皮毛取仁切薄片浸冷水內三個時撬開病人口連水滴下口內潤主喉間立時見效

驚氣失音

蜜鮑僧末一錢茶調服即愈

咽中結塊 不通水食危困欲死

百草霜蜜丸芡實大每新汲水化一丸灌下甚者

不過二丸名百靈丸

小兒舌膜 初生小兒有白膜皮裹舌或遍舌根可  
以指甲刮破令血出以燒礬末半棗豆許敷之若  
不摘去兒必啞

鼻血不止

蒜一枚去皮研如泥作錢大餅子厚一豆許左鼻  
血出貼左足心右鼻血出貼右足心兩鼻中俱出  
俱貼之立瘥

鼻中肉墜

養生經驗合  
集內載此名

串雅內編 卷四

內治

七

藕節有毛處一節燒灰存性為末吹患處

噴嚏丸

治中風不語尸厥等症中惡中鬼俱妙

生半夏錢三為末水丸如黃豆大入鼻孔中必噴嚏

不已水飲之立止

灌鼻出涎方

治遠年近日風癰心恙風狂中風涎

潮牙關不開破傷風搐者用皂角不蟬肥者一觔去

弦切碎以酸漿水浸春秋三四日夏一二日冬七

日探撈去滓將汁入銀器或砂鍋慢火熬以槐柳  
枝攪成膏取出攤厚紙陰乾收瓶用時取手掌大

一片溫漿水化在盞內用竹筒灌入病人鼻孔內  
良久涎出為驗欲涎出止服溫鹽湯一二日即止  
忌雞魚生冷濕麪等物

耳鳴

生地黃切斷紙色火煨塞耳數次而愈

耳內腫痛

瓦松搗汁灌之

風熱牙痛

散紫金

治一切牙痛去口氣大效

大黃瓶內燒存性為末早時揩去牙漱去



痧脹腹痛 凡痧脹夏月多患此症面色紫赤腹痛  
難忍使飲熱湯便不可救即溫湯亦忌如遇此症  
速取生黃豆咀嚼嚥下約至數口立刻止痛平人  
食生豆最引惡心止有痧脹人食之反覺甘甜不  
知腥氣此方既可療病且可辨症真奇方也

痞塊

八月白露節後收糯稻上露水晚作二服喫下即  
消

膈氣

壁虎二條雄一雌一先脩小竹筒二个置真麻油  
入虎浸一宿放在古瓦上慢火炙脆取末每一錢  
加麝香三分和勻每服只用一分二釐作三次服  
下一次五厘二次四厘三次三厘燒酒送下即開  
關先進稀粥三五日後方可喫飯如初起者一服  
即愈久者二服全愈

### 治痞積神方

陳核桃燒存性如患痞者小兒每歲服一釐十歲  
以上只可服一分界得多服大人亦服一分滾湯

臨雅內編 卷四

調服每<sup>日</sup>如<sup>服</sup>數須秤極準分量不可多少服至二三日便泄黑糞十日以後必出鼻紅一次患者勿思此是藥驗也必待黑糞變為黃糞痞漸消小然後停藥勿服此方百發百中

盜汗

五倍子去蛀末炙乾研末男用女唾女用男唾調厚糊填臍中外用舊膏藥貼之勿令泄氣兩次即愈

消渴飲水

蜜陀僧二兩研末湯浸蒸餅丸梧子大濃煎蚕繭  
鹽湯或茹根湯或酒下一日五丸日增五丸至三  
十丸止不可多服五六服後以見水惡心為度惡  
心時以乾物墜之日後自定甚奇

### 白濁

羊角火煨刮灰末三錢酒送下立除

### 止呃逆

刀頭子燒存性白湯調服二錢立止

變通丸 治赤白痢日夜無度及腸風下血

內治

十

串雅內編 卷四

黃連

二兩

吳茱萸

二兩 湯泡七次

同炒香揀出各自為末

米飯丸

梧子大另服每服三十丸赤痢甘草湯下

黃連丸

白痢乾姜湯下茱萸丸赤白相兼各用十五丸米湯

送下

治痢初起

不問男婦室女妊娠小兒皆治之白

蘿蔔二三斤洗淨連皮放石臼內搗碎絞取濃汁

如十歲以內小兒每日喫一飯碗大人每日喫二

三飯碗俱要冷喫不必見火忌葷腥襍味并治疫

痢如神

血崩 諸藥不效服此立止

甜杏仁上黃皮燒存性為末每服三錢空心熱酒調下

夢泄

紫花地丁草搗為膏貼臍上立止

紅白淋滯

蓮蓬三十個連根蓮子取食將十根蓮殼用水五碗煎至三碗如止不必喫不止再服一劑三服除根

乳汁不通

白蠶為末酒服二錢少頃以脂麻茶一盞投之梳頭數十遍奶汁如泉也

生乳

產後無乳汁萵苣三五枚一味煎湯服乳汁自淋  
滴

烏紗驚風

遍身都烏者急推向下

黃土一盞搗末入久醋一鍾炒熟色定熨之引至  
下足刺破為妙

急慢驚風

吊眼撮口搐搦不定

代赭石火燒醋淬十次研為細末水飛晒乾每服一錢或五分煎真金湯調下連進三服兒腳脛上有赤班即是驚氣已出病當安也無斑點者不可治

小兒舌筍

小兒不喫乳啼哭者即看舌上起白泡

一粒即名舌筍如不治即死

鮮生地取汁無生者以乾生地涼井水浸開搗爛取汁塗患處數次立愈



蜺子水

痘後以此洗面漸生肌肉無斑痕

活蜺子不拘多少以水養五日每日取此水常洗  
手面

狐臭

鳳仙花不拘紅白搗成大丸揅腋下待乾再換每  
日易三四次二三日內腋下結有墜以墮灰調水  
點去永斷根矣

驗胎散

婦人經水三月不行欲知是胎與否以此

驗之

川芎末一匙煎蘄艾湯空心調服一錢腹內微動  
是有胎不動者非也

神仙外應膏 治筋骨疼痛手足拘攣

川烏一觔為細末隔年陳醋入砂鍋內慢火熬如  
醬色敷患處如病有一年者敷後一日發痒、時  
令人以手拍以不痒為度先用升麻皮硝生薑煎  
湯洗之然後上藥不可見風

鼻中出血

大蒜搗爛貼定足心立止即拭去

余聞有人以髮  
浸冷水內即止

內治

十三

稀痘神方

凡嬰兒無論男女用肥大光潔川練子一歲至三歲者七個白內搗爛水三碗新砂鍋煎濃傾入盆內避風處將新稀白布一方蘸水自頭至足遍身洗擦不留餘空仍用布拭乾避風一刻四五歲者用川練子九個水五碗六七歲者用川練子十五個水七碗八歲至十歲川用練子二十個水九碗十一歲至十五歲用川練子三十個水十五碗照前煎濃擦洗搗藥忌鐵器非但不出痘還能免瘡

癰若不信或手或足留一處倘出時必聚一塊此係  
神效仙方凡洗浴須擇七個除日洗七次如五月  
至八月初止內有七個除日俱在熱天更妙

單方

外治門

國老膏 治一切癰疽諸毒預期服之能消腫逐毒  
使毒不內攻功效甚大

大橫紋粉草二觔搥碎河水浸一宿揉取濃汁再  
以密絹濾過銀石器內慢火熬成膏以瓷罐收之  
每服一二匙無灰酒或白滾湯下曾服丹藥者亦  
解之

烏龍膏 治一切癰腫發背無名腫毒初發焮熱未

破者取效

隔年小粉愈久愈佳以鍋炒之初炒如錫久炒則  
乾成黃黑色冷定研末陳米醋調成糊熬如漆瓷  
礮收之用時攤紙上剪孔貼之即如冰冷疼痛即  
止少頃覺痒乾亦不能動久則毒自消藥力亦盡

而脫落甚妙

消癰瘰癧酒方出千金

萬州黃葉子半觔漿重者為上如輕虛是他州所  
產力慢用須加倍取無灰酒一斗投藥入中固濟瓶

止腫毒

蓖麻仁搗敷即止

惡瘡疔毒

過罔飛絲大蜘蛛燂爛以熱酒化服下管取毒氣

立消

快馬瘡

山藥磨沙糖水搽圍即散

今人項細

毒星散

專治惡瘡痛不可當者糝之不痛不痛者

知痛

天南星一味為末如背瘡大痛者遍糝于上即得  
安卧不痛者糝之知痛即可治也

乳岩

用桑葉脂不拘頭二葉摘去半段取後半段脂三  
分黃柏八錢水煎乾止用三分飯鍋蒸一次夜露  
一宿塗患處雖爛見骨者亦能收口平復

多骨癰



紫玉簪根搗爛敷上其骨自出

疔瘡

菊花葉搗爛搗酒盡醉飲下將渣敷患處次日愈  
起杖瘡疔皮

米糞燒灰香油調敷疔上以蠟油膏藥蓋之一二  
日即下

橫痃便毒

雞子一個頭上打一小孔將紅娘子六個裝入內  
用草紙包雞子慢火煨熟去紅娘子止食雞子酒

送下

一切癰疽

赤小豆七十粒為末水調塗之無不愈者但其性粘乾則難搗入芋根末粘而不粘此法尤佳

脫疽 此症發于腳趾漸上至膝黑色內痛不可忍  
逐節脫落而死亦有發于手上者

土蜂窠研細醋調搽應手而愈

指生天蛇

雞子開一孔將指入內待蛋化水又換一個如此

三枚而已天蛇痛臭甚者黑豆生研末入繭內籠之

諸瘡努肉如蛇出數寸者

硫黃末一兩肉上薄之即縮

棉花瘡

遍蛇草葉嚙取汁好酒冲汁送下瘡毒上將渣敷上即消

癰腫無頭

黃葵花子研酒服一粒則一頭即破兩頭粒即兩頭

破如神

消瘤

極細膩鐵屑醋拌放銅杓內煨乾則再拌如此三次研細再用醋調敷便覺患處不甚適意過一宿剥去再敷以平為度

腋下瘤癭

長柄葫蘆燒存性研末搽之以消為度

頭瘡生蛆

以刀切破擠綿衣葉汁搽之蛆出盡絕根

乳癰

佛手山藥搗敷患處圍露出頭次日即出膿消去  
最驗

又方 一醉消

石膏煨紅出火毒研每服三錢溫酒下添酒盡醉  
睡覺再進一服

乳頭裂破

秋月冷露茄子裂開者陰乾燒成性研末水調塗  
之即愈

外治

丸

串雅內編 卷四

癰疽毒瘡

肉中忽生黥子如粟豆大者如梅李或赤

或黑或青或白其中有核有深根應心腫泡紫

黑色能爛筋骨毒入臟腑殺人宜灸黥上百壯以

酸模葉傳其四面防其長也內服葵根汁其毒自

愈

根葉花形同羊蹄但葉小味酸為異其根赤黃色

甲疽延爛

瘡腫黃水浸淫相染五指俱爛漸上脚

跌泡漿四邊起如火燒瘡日夜怪憎醫不能療

綠礬石

兩五

燒研末色如黃丹收之每以鹽湯洗拭

用末厚敷之以軟帛綾裹當日即汗斷瘡乾每日

一遍鹽湯洗濯有膿處使淨敷其痂乾處不須近  
但有急痛者塗酥少許令潤五日即覺上痂起依  
前洗敷十日痂漸剝盡軟處或更生白膿泡即擦  
破傳之自瘥神驗

### 鵝掌風

香樟木打破煎湯每日早晚溫洗三次洗半年愈  
兩腿兩臂彎生瘡痛痒經久不愈

多年風窗上蟲殼燒灰以醃猪油同搗如泥塗之  
經宿即愈

串雅內編 卷四

外治

二十

散毒 圍諸般腫毒

柳枝尖頭十數觔入鍋內熬膏如砂糖樣加蜜半  
觔熬收以甕器貯用

洗癩頭方

蝸牛數十條洗之二次全愈神妙

痰核

整個五倍子入砂鍋炒黃為末以好醋調膏攤貼  
患處易五七次即愈不論新舊俱驗

咽舌生瘡



吳茱萸末醋調貼兩足心移夜即愈蓋引熱下行也

喉驚 人已氣絕心頭微熱者藥入口聽有聲能下者無不治

三九冬天取老婆猪糞放在屋上日晒夜露七八日取下在炭火上煨至烟盡為度以水調如糊徐徐灌之

跌打損傷

蒼蠅老虎数个搗爛好酒送下即好

外治

主

金瘡

圓眼核不拘多少用火燒枯存性研末糝之即愈  
如治無名腫毒水調塗俱妙

擗撲欲死 一切傷損從高墜下及木石所迫落馬  
撲車游血凝滯氣絕欲死者

淨土五升蒸熱以故布重裹作二包更互熨之勿  
大熱恐破肉取痛止則已神效

金刃不出 入骨脈中者

半夏 白斂等分為末酒服方寸七日三服至二

十日自出

破斫斷筋

此方出蘇景中療奴有效者

旋葛根搗汁瀝瘡中仍以渣敷之日三易半月斷筋便續

乳巖

硬如石者

槐花炒黃為末黃酒下三錢即消 此病先因乳

中一粒大如豆漸大如雞蛋七八年後方破爛一破即不可治矣宜服此藥 生燂殼數十枚放砂鍋內焙焦為末每服二錢好酒調下須日日服

之不可間斷

得活燔所脫之殼尤效

火燒瘡

管仲一味煨灰油調塗之立刻止痛

火燒爛 此症切不可浸冷水中熱毒內攻必爛至

骨

好酒一二觔傾入浴缸內畧燒溫令患者坐酒中

浸之極重者不死神妙

火燎傷油燒傷皮爛大痛者

好酒一甕雞子清三個攪勻入溫湯內頻攪如稀

糊候冷用軟筆刷患處半日即痒、後以晚楊梅  
樹皮燒存性為末香油調敷

### 湯火傷

秋葵花辦不拘多少真菜油調和如厚糊裝入瓶  
內收貯次再花瓣腐爛方用愈陳愈妙湯火傷者  
傳之

癰 身面上如錢大者擦之如神

巴豆五六个去皮打碎色絹內擦之不可擦好肉  
上

串雅內編

卷四

タシ

三三

水腫脚氣

未全消者

甘遂末塗腹繞臍令滿內服甘草水其腫便去

口吻生瘡

砂仁殼煨研抹之即愈

一抹膏

治爛弦風眼

真麻油浸原蠶沙二三日研細以篋子塗患處不

間新舊隔宿即愈

肛門痔痛

水鼈仁帶潤者雌雄各五个乳細作七丸鹽覆濕

處勿令乾每以一丸津唾化開貼痔上痛即止一夜  
一丸自消

疔瘡走黃

陳年苔菜研末敷上即消腫收口而愈試過無不  
不效

發背陰毒 不斂腫者是

雄雞冠剪冠尖少許懸脚向下滴血瘡上血盡換  
不過五六雞止痛消毒不數日自愈

項下氣癭

串雅內編 卷四

久清

三

自然銅貯水甕中逐日飲食皆用此水其癭自消  
或燒烟氣久久吸之亦可



單方

襍治門

誤吞銅錢

韭菜切斷煮熟團取食之明日見錢從大便出此方最良

古文錢十个白梅肉十个淹過即爛搗丸菜豆大  
每服一丸流水吞下即吐出

又誤吞銅錢及金銀羊脛骨灰三錢米湯調下次  
早由大便解出

拔白換黑

老薑刮取皮一大升于久用油膩鍋內不須洗刷

雅內編 卷四

固濟勿令通氣令精細人守之文武火煎之不得  
火急自旦至夕即成矣研末拔白後先以小物點  
麻子大入孔中或先點鬚下然後拔之以指撚入  
三日後當生黑者神效

小兒誤將竹木刺眼

白頭頸蚯蚓掐斷滴血入眼刺即出

食生米 男子婦人因食生熟物留滯腸胃遂至生  
蟲久則好食生米否則終日不樂憔悴萎黃不思  
飲食

蒼朮米泔水浸一宿剉焙為末蒸餅丸桐子大每服五十丸食前米飲下每日三服即愈

齒黃

糯米糠燒取白灰旦：擦之

飛絲入眼

京墨點眼以燈草撥去若入口以紫蘇葉細嚼白滾湯送下又荷花缸內細泥汁點之即刻消愈

小兒初生無膚皮亦因受胎未得土氣也

車輦土研敷之三日後生膚

串雅內編 卷四

嗜酒不已

鹽中蒼耳子七枚燒灰投酒中飲之即不嗜

固齒灰

臘月醃猪羊骨燬細研每晨擦牙不可間斷至老  
而其效益彰頭上齒骨亦佳

禿鬢髮稀

川椒四兩酒浸密室內日日搽之自然長出

竇女無竅

鉛作錠逐日絰之久則自開

小兒鱗體 皮膚如蛇皮鱗甲之狀由氣血否澀亦

曰胎垢

白僵蠶去嘴為末煎湯浴之一方加蛇蛻

兒陰被蚓吹腫

雄鴨涎抹之即消

獠犬咬傷

七日一發三七日不發乃脫也急於無風處以冷水洗淨即服韭汁一碗隔七日又一碗四十九日共服七碗須百日忌食酸鹽一年忌魚腥終身忌

虫雅內編 卷四

食狗肉方得保全否則十有九死

蛇虺咬

看傷處有竅是雄蛇無竅是雌蛇以鍼挑破傷處  
成竅然後取野苧麻嫩頭搗汁和酒服之三盞絞  
渣傳傷口能令毒從竅中出傷愈將渣去水中永  
不復發

百脚咬

燈草燒灰敷咬傷處止痛

蜈蚣咬

嚼香附塗之立效

蝎毒螫傷

猫溺塗甚妙

用蒜片擦猫  
牙溺即下

誤食蟾黃

喫海鮓即解

毒蛇傷

急飲好醋一二碗令毒氣不隨走或飲香油一二  
盞然後用藥須要將繩紮定傷處兩頭次用白芷  
為末白水調下半兩許服之頃刻齧處黃水出盡

串雅內編 卷四

補治

二天

腫消皮合而愈

精清不孕

凡煮米粥滾鍋中面上米沫浮面取起加煉過鹽  
少許空心服下其精自濃即孕矣

婦子乳瘡

用本娘梳上垢刮下為丸滾水送下

截溺 舉子廷試用之

臨期用銀杏五十枚清晨煎湯飲之便可終日不

溺



面上黑氣

半夏焙研米醋調敷不可見風不計遍數從早至晚如此三日皂角湯洗之面瑩如玉也

舌腫 舌忽腫口外是受蜈蚣毒

雄雞血一小杯浸之即縮

誤吞針刺

田雞睛一對冷水囫圇吞之其針兩頭穿珠立刻吐出如冬天無尋處在桑樹下掘深三尺必有

搽魚骨哽

串鞋內編 卷四

補注

二十九

五日午時韭菜地上面東不語取蚯蚓糞泥藏之  
圓如碎珠粒；成塊為妙過魚骨哽喉用此少許  
擦咽喉外皮

奇病門

瘻子疳 是症從肛門或陰囊邊紅暈爛起漸至皮膚不結靨或眼梢口角亦紅若不早治必至爛死凡見此症切忌洗浴只用軟帛蘸甘草湯揩淨用藥雖蔓遍身可保立愈此方極秘已救人無算  
菜豆粉兩標硃兩冰片一分或二三分輕粉一分或五分為細末將金汁調鷲毛蘸敷上如無金汁雪水亦可或用燈心甘草湯亦可

山鞠散 治婦人產後乳忽細長小如腸垂過小肚

痛不可忍名曰乳懸

芎藭 當歸 各一以半觔剉散於瓦石器內用火  
濃煎不拘多少頻服仍以一觔半剉塊于病人桌  
下燒烟令將口鼻吸烟用盡未愈再作一料仍以  
蕁麻子一粒貼其頂心

### 產後肉線

產後用力垂出肉線長三四尺觸之痛心引心腹  
欲絕一人令買老薑連皮三觔搗爛入麻油三觔  
拌勻炒乾先以熟絹五尺折作方絳令人輕盛

起肉線使之屈曲作三團納入產戶乃以絹袋盛薑就近熏之冷則更換熏二日夜縮入大半二日盡入也云乃魏夫人秘傳怪病方也但不可使線斷則不可治

### 髮癰飲油

病髮癰者欲得飲油用油一觔入香澤煎之盛置病人頭邊令氣入口鼻勿與飲之疲極眠睡蟲當從口出急以石灰粉手提取抽盡是髮也初出如不流水中濃菜形

又治胸喉間覺有癥蟲上下嘗聞葱豉食香此乃  
髮癥蟲也二日不食開口而卧以油煎葱豉令香  
置口邊蟲當出以物引去之愈

又有飲油五升以來方快者不爾則病此是髮癥  
入于胃氣血聚之化為蟲也雄黃半兩為末水調  
服之蟲自出

### 截腸怪病

大腸頭出寸餘痛苦乾則自落後又出名為截腸病  
若腸盡即不治但初覺截時用器盛脂麻油坐浸

之飲大麻子汁數升即愈

米瘕嗜米 有人好啞米久則成瘕不得米即吐出

清水得米即止米不消化久亦斃人白米合五雞屎

升同炒焦為末水一升頓服少時吐出瘕如研米

汁或白沫浚水乃愈

灸瘡成蝶 灸火瘡痂退落瘡內鮮肉片子飛如

蝶狀騰空飛去痛不可言是血肉俱熱怪病也

朴硝 大黃各五錢為末水調下微利即愈

伐毛丹 治鼻中毛出晝夜可長一二尺寸漸、粗圓

如繩痛不可忍摘去復生此因食猪羊血過多所致

生乳香

硃砂兩各一

為末飯丸梧子大每空心臨

卧各服十丸水下自然退落

血壅怪病

遍身忽然肉出如錐既痒且痛不能飲

食名血壅不速治必潰膿血

赤皮蔥燒灰淋洗飲豉湯數盞自安

眉毛動搖

目不能交睫喚之不應但能飲食蒜三

兩杵汁調酒飲即愈



臍蟲怪病 腹中如鐵石臍中水出旋變作蟲行繞身匝痒難忍撥掃

蒼朮濃煎湯浴之仍以蒼朮末入麝香少許調服  
筋肉化蟲 有蟲如蟹走于皮下作聲如小兒啼為  
筋肉之化

雄黃 雷丸

各一兩

為末糝猪肉上炙熟喫盡自安

熱毒怪病

目赤鼻脹大喘渾身出斑毛髮如鐵乃

因中熱毒氣結于下焦

滑石

白礬

各一兩

作一服水三盞煎減半不住飲

之

蟲出怪病 臨卧渾身蟲出約至五升隨至血肉皆  
壞每宿漸多痛痒不可言狀惟喫水卧床晝夜號  
哭舌尖出血不止身齒俱黑唇動鼻開

鹽醋湯飲十數日即安

病笑不休

滄鹽煨赤研入河水煎沸啜之探吐熱痰數升即  
愈

灸瘡出血

灸火至五壯血出不止如灰手冷欲絕

黃芩

二酒錢炒

為末酒服即止

睛垂至鼻

人睛忽垂至鼻如黑角塞痛不可忍或

時大便血出痛名肝脹以老活防風並服懸壺念

離魂 凡人自覺本形作兩人並行並卧不辨真假

者離魂病也

辰砂

人參

茯苓濃煎日飲真者氣爽假者化

也

精女離魂湯用人參龍齒赤茯苓各一錢煎湯服

大腸蟲出

不斷之復生行坐不得

天名精錢五為末水調服自愈

氣奔怪病 忽遍身皮底混々如波浪聲痒不可忍

抓之出血不能解謂之氣奔

苦杖 人參青蘘 細辛各一兩一作一服水煎細飲

盡便愈

便後出血 小便後出鮮血數點而不疼如是三月

飲酒則甚

鏡面草搗汁一器入蜜少許進兩服即愈

細縕結 瘡後口鼻中氣出盤旋不散凝如黑蓋

過十日漸至肩與肉相連堅勝金石無由飲食煎

澤瀉湯日飲三盞連服五日愈

大開不即

脈溢怪症

毛竅節次出血不止

皮脹如

臑須臾目

鼻口俱被氣脹合此名脈溢

生薑自然汁和水各半盞服即安

寒熱怪病 四肢堅如石擊之似鐘磬聲日漸瘦惡

茱萸木香等分煎湯飲之

頭腦鳴響 狀如蟲蛀名夫白蟻

茶子為末吹鼻中效

蕩穢散 婦人月事退出作禽獸之形欲來傷人先  
將綿塞陰戶乃頓服沒藥末一兩白湯調下即愈  
爛痘生蛆

嫩柳葉鋪席上卧之蛆盡出而愈

肉壞怪病 凡口鼻出腥臭水以碗盛之狀如鐵色  
蝦魚走躍捉之即化為水此肉壞也多食雞饌而  
愈

石室秘丹 凡人無故見鬼如三頭六臂者或如金  
甲神或如斷手無頭死鬼或五色之狀皆心虛而

崇憑之

白朮

蒼朮

各三兩

木戟

山茨菇

各一兩

天南星

錢三

附子

錢半

夏

兩

各為細末

加麝香

錢一

為末成餅子

更妙于紫金錠凡遇此病用一餅薑湯化開飲之

吐頑痰碗許而愈

活水止蟲丹

凡人背脊裂間一縫出蟲干餘乃腎

中有風得陽氣吹之不覺破裂而蟲現

熟地

山茱萸

各三兩

杜仲

一兩

白朮

錢五

防己

錢一

希掌

草錢二劑蟲盡死

又方

草麻

三粒

研成膏用紅棗三枚搗成為丸如彈子大

火燒之熏衣上則蟲死而縫合

以口

腹中生蛇

此乃毒氣化成或感山嵐水瀼之氣或

四時不正之氣或感尸氣病氣而成也

雄黃

一兩

白芷

三錢

生甘草

二兩

為末端午日修合丸如

桐子大粽子米和而丸之飯前食之食後必痛用

力忍之

或不可

飲水一飲水則不效矣

又方



白芷一味為丸每日米飲送下五錢即全愈

杜隙湯 人足上忽毛孔標血如一線者此乃酒色

不禁恣意縱慾所致流血不止即死米醋三升煮  
滾以足浸之即止血後用人參一兩當歸三兩川  
山甲一片炒為末煎參歸湯後以川山甲末調之  
而飲即不再發

### 化癢湯

人覺腸胃中痒而無處扒搔者乃火鬱結不散

柴胡

錢三

白芍

兩一

甘草

錢二

梔子

炒

天花粉

各三

錢

水煎

串雅內編 卷

服即愈

救割金生湯

凡人身先發痒以錐刺之再痒以刀

割之快甚少頃痒甚刀割覺疼必流血不已

人參

一兩當歸

三兩荆芥

三錢水煎服

三劑必效痛痒亦

平貧者無力買參以黃芪二兩代之

體中蚓鳴

凡人皮膚手足之間如蚯蚓唱歌者乃

水濕生蟲也

蚯蚓糞敷患處即止鳴

再用

白朮

五錢

薏仁

一兩

生甘

草

三錢黃芩

二錢附子

三錢防風

一兩

水煎服

即愈

臂生人面 且能呼人姓名乃冤結所成此奇病也

人參半斤貝母三兩白芥子三兩白朮五兩生甘草 青鹽

各三兩白礬 半夏各二兩

右為細末米飯為丸每早晚白湯送下五錢自然

漸小而愈

舌縮入喉 不能語言者乃寒氣結子胃腹附子錢一

人參錢三白朮錢五肉桂錢乾薑錢治之則舌自舒矣

舌血出如泉者乃心火旺極血不藏經也六味地

黃湯加槐花三錢飲之立愈

奇病

三

串雅內編 卷四

掌高一寸

附子一个煎湯以水漬之至涼而止如是者十日

掌即平矣

男子乳腫

金銀花 蒲公英 各一兩 天花粉 白芥子 各五錢

芍 通草 各三錢 木通 香附子 各一錢 柴胡 二錢 炒梔子

三錢 茯苓 三錢 水煎服

指甲盡脫 不痛不痒乃腎經火虛又于行房之後

以涼水洗手遂成此病

六味湯加柴胡白芍骨碎補治之愈

指縫出蟲

茯苓

當歸

白芍

生甘草

白朮

錢各三

柴胡

荊芥

人參

川芎

錢各一

熟地

薏仁

黃芪

錢各五水煎服

糞門出蟲

人有糞門內拖出一條伸縮如意似乎

蛇者

當歸

白芍

兩各一

枳殼

檳榔

大黃

錢各一

地榆

錢五羅蔔子

錢三水煎

飯前服之二劑外用冰片點之

先用水耳一兩煎洗、後將冰片一分研末而掃之  
掃盡即縮而愈矣神效驗

糞門生蟲

蛇床子 棟花樹根各三錢 生甘草一錢 為末以蜜煎  
成為勢一條導入糞門聽其自化一條即止痒而

愈

眼內肉線

冰片 黃連 硼砂 甘草各一分 各為細末用人  
乳調點一時收入而愈更用白芍五錢 柴胡 甘草

錢各一 茯苓 炒白朮 梔子 錢各三 陳皮 錢一 白芥子 錢三 水煎服

黃雷丸 治人身忽長鱗甲于腹脇者乃龍化人與婦人交即成此症而男子與龍合亦間生鱗甲也以速治為妙遲則人變為龍矣

雷丸 大黃 白礬 鐵衣 雄黃 錢各二 研為末 束肉為丸酒送下三錢立時便下再服則鱗甲盡落矣

手皮現蛇 人手上皮上現蛇形一條痛不可忍以

串雅內編 卷四

刀刺出血如墨汁用白芷為末糝之少愈如是二次化去先刺頭後刺尾不可亂也

喉中物行

人食生菜時有蜈蚣在葉上俟食之乃

乃生蜈蚣于胃口之上入胃則胃痛上喉則喉痛

飢則痛更甚

雞一隻煮熟五香調治乘人睡熟將雞列病人口

邊則蜈蚣自然外走倘得走出立時拿住或一條

或數條出盡自愈後以生甘草

錢三 薏仁

當歸

黃芪

各一兩

茯苓

三兩

白芍

錢五

荊芥

錢一

陳皮

錢一

防風

分五



水煎服十劑自愈

病蝦 手背脚背腫大有赤痕如蝦子狀名病蝦證  
用油鹽糟令香以熱湯淬之泡湯藥熱淋洗之即  
消要服癰瘍藥

病蟻 瓦尻骨處結毒如桃李之大紅赤癰痛不能  
行動名病蟻芙蓉葉搗酒炒縛爛者以蟻尾壳  
火煨存性為末麻油調搽即愈大效

土水魚 膝內腠近摺文之處結核腫痛核形如魚  
狀名上水魚以梭針刺惡血以柞栳雷霆藤山樟

串雅內編 卷四

三

四

子葉搗糟炒縛之

又用山雷霆藤山蘇水蘇牛

膝柁枯搗炒縛之

又用山雷霆藤根皮柁枯搗

糟炒縛之

又用七聖膏敷之却以九金六馬散

服之

蛇蟲 遍身風疹疥丹之狀色白不痛搔痒抓之起

白瘡名曰蛇蟲

用油穢田肥株山樟子葉樟樹葉柏葉煎水入此

醋洗之

又方只用柏葉一味煎水洗更速也要服苦參丸

蠟丸金銀皂角丸

惡肉毒瘡 一女年十四歲晚軟處生物如黃豆大

半在肉中紅紫色痛甚諸藥不效

水銀四兩白紙錢揉熟醮水銀擦之至三日自落而

愈

渾身燎泡 如棠棣狀每個出水有石一片如指甲

大其泡復生抽盡肌膚肉即不可活

京三棱蓬莪各五兩研為末分三服酒調連進

愈

串雅內編 卷四

肉錐怪疾 手足忽<sub>戕</sub>生肉刺如錐痛不可忍食

葵菜而愈

足釘怪疾 兩足心凸腫上生黑豆瘡硬如釘脛骨

生碎孔音髓流出身發寒顫惟思飲酒此是肝腎冷  
熱相吞用炮川烏頭末李有乾薑敷之內服韭子湯效

走皮趨瘡 滿頰滿項浸淫濕爛延及兩耳痒而出

水發歇不定田野名悲羊瘡

凌霄花并葉煎湯日洗之

熱毒濕瘡 遍身生瘡痛而不痒手足尤甚粘著衣

被曉夕不得睡以菖蒲三斤日乾為末布席上卧

即昌陽人端午所採者性能燥濕

之仍以衣被覆之既不粘衣又復得睡不五七日其瘡如失神驗

血餘怪病 手十指節斷壞惟有筋連無節內蟲出如燈心長數尺遍身綠毛卷名曰血餘茯苓 胡黃連煎湯飲之愈

貓睛眼瘡 身面生瘡似貓兒眼有光采無膿血但痛痒不常飲食減少名曰塞瘡 多食雞魚葱韭自愈

串雅內編 卷四

肉人怪病 人頂生瘡五色如櫻桃狀破則自頂分

裂連皮剥脫至足名曰肉人常飲牛乳自愈

消指散 有人腳板下忽生一指痛不可忍者乃濕

熱之氣結成

硼砂一分 凡蔥兩一 冰片分三 人參錢一 為末以刀輕刺出

血敷之以血盡為度痛亦少止再用人參錢三 白朮

錢五 生甘草 牛膝 草薺 白芥子各三錢 半夏錢一

薏仁兩一 水煎服四劑可全愈而指盡化為水矣外

用天師膏藥加生肌散敷之即愈

唇瘡生齒

有人唇上生瘡久則瘡口生齒於唇上

者乃七情憂鬱火動生齒奇症也

柴胡

白芍

當歸

生地

川芎

黃芩

黃連

各一錢

天花粉

白果

什水煎服外用冰片分

僵蚕末

一錢

黃柏

炒為末

糝之立消

祛火丹

人脚板中色紅如火不可落地終年不愈

熟地

三兩

山茱萸

茯苓

各五錢

北五味

牛膝

丹

皮

澤瀉

車前子

各三錢

草薢

甘菊

花

元

參

沙參

釵石斛

各一兩

水煎服十劑消二十劑

串雅內編 卷四

言非

四

全愈須忌房事三月否則必發難治矣

手足脫下

又仍不死乃患虛傷寒時口涸過飲涼

水遂至四肢受病手足墮落矣

薏仁

三兩 茯苓

二兩 肉桂

白朮

各一錢

車前子

五錢 水煎

服一連十劑永無後患

消濕化怪湯

治脚肚腫瘍

白朮 薏仁

芡實

各一兩

澤瀉

五錢

肉桂

五分

車前子

人參

草薢

白礬

陳皮

白芥子

各三錢

牛

膝 半夏

各二錢

水煎服二劑後用

蚯蚓糞

一兩

水



銀錢冰片分五礪砂分一黃柏炒五錢兒茶錢三麝香分五各  
為細末研至不見水銀為度用醋調成膏敷患處  
一日全消矣